



UNIVERSITÄTS-
BIBLIOTHEK
PADERBORN

Notitia Congregationum Et Tribunalium Curiae Romanæ

Plettenberg, Hunold

Hildesii, 1693

Lectori.

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)



LECTORI.

Quemadmodum olim Ethnica Roma fuit Regina mundi, ita etiamnum Christiana Caput est Orbis terrarum, & inter omnes Urbes principatum tenet; Est namque juxta S. Athanasium Serm. ad solit. vit. agentes. Metropolis Orbis Christiani, & Thronus Apostolicus, Sedesque Vicarii Christi, ac Successoris Petri, hoc est, Pontificis Romani. Hic imperium suum dilatavit longè ultra fines, quos in terraqueo globo descripserant sibi olim victorius suis antiqui Romani, cum subiectos habeat pedo & Sceptro suo
Spiri-

Spirituali omnes, qui Christum
 adorant, totius Orbis incolas,
 adeo ut primi etiam mundi Mo-
 narchæ non dedignentur capita
 sua coronata ad osculum San-
 ctissimorum illius pedum demit-
 tere, ab eodem responsa expe-
 ctare, ejusque legibus, monitis,
 & consiliis tanquam filii obse-
 quentes, & fideles obtempera-
 re. Quare cum universus penè
 Orbis terrarum supplex quotidie
 à Romano Pontifice tanquam su-
 premo in terris Legislatore, ac
 Judice Rescripta postulet, isque
 solus per se omnibus satisfacere,
 & responsa cuique dare non pos-
 sit, varii instituti sunt Senatus,
 Congregationes, & Tribunalia,
 quæ illum sub hoc immenso ne-
 gotiorum onere pressum suble-
 vent.

vent, eique opportuno consilio,
 Et opera quotidiana assistant.
 Horum vero Judiciorum Et
 Tribunalium auctoritate Ponti-
 ciâ in Urbe institutorum ob re-
 rum causarumque multitudi-
 nem tantus est numerus, ut in-
 moderata prorsus eorum turba
 videatur, quæ exteri vix com-
 putare, nedum perspicere pos-
 sunt, Et Curiales, priusquam
 stylum eorum Et rem ipsam ad-
 discant, teste Vestrio Viro in
 Curia Romanâ versatissimo, se-
 nescere soleant. Quare cum ad
 prælum pararem Introductionem
 ad Jus Canonicum, in qua qua-
 stionem institueram, an decre-
 ta quarundam Congregationum
 Cardinalium, Et decisiones ali-
 quorum Tribunalium jus face-
 rent

rent universale, quod omnes in Orbe fideles obligaret, additâ succinctâ earundem Congregationum, & Tribunalium descriptione, auctores mihi fuerunt quidam ex amicis, & adhortati sunt, ut omnium in Urbe Judiciorum, & celebriorum Conventuum formam rudi meo calamo aliquo saltem modo adumbrarem, ut ex hac descriptione, tanquam ex umbratili imagine rem ipsam colligere quodammodo possint ij, qui harum Congregationum, & Tribunalium vel nullam, vel exiguam habent cognitionem. Parui horum voluntati, & consilio, atque hanc, quam exhibeo, Notitiam ex probatis auctoribus congesi, quæ ob oculos ponit Congregationum,

) () (

&

¶ Tribunalium Romæ institu-
 torum originem, formam ¶
 finem, ut non solum Tyrones,
 ¶ ii, qui in Curia Romanâ ne-
 gotia expediri cupiunt, explora-
 tiorem in eâ reperiant viam, quæ
 cæteroquin inextricabili cuidam
 Labyrintho etiam à longo usu ex-
 ercitatis comparari solet, sed
 etiam ut cæteri Judices ¶ Ma-
 gistratus normam videant Tribu-
 naliū illius Urbis, quæ domi-
 cilium est Legum, ut inquit Si-
 donius l. i. Epist. 6. ¶ illius
 Curia, quæ Mater est, ¶ Magi-
 stra cæterarum Curiarum, cu-
 jusmodi ab omnibus Orthodoxis
 recipitur, ¶ honoratur. Gon-
 zalez ad Reg. Cancel. glos. 13.
 §. i. n. 12. Nihil vero, quod ad
 praxin ¶ usum Congregatio-
 num

¶ (o) ¶

num & Tribunalium illorum
spectat, hic adducam, quod de-
sumptum non sit, vel ex Consti-
tutionibus Summorum Pontifi-
cum, vel ex Auctoribus in Cu-
riâ Romanâ variisque Congre-
gationibus plurimum versatis,
vel etiam ex libris in Urbe im-
pressis, aut approbatis. Cuncta
insuper in hoc opere conten-
ta, iudicio & correctioni S.
Matris Ecclesie Sedisque Apo-
stolicæ, adjunctâ protestatione,
de qua in c. Hæc est fides. 24.

q. I. animo lubentissimo
submitto.



IN-